



# **KEMENTERIAN KEMAJUAN LUAR BANDAR DAN WILAYAH**

**e-Keratan Akhbar Harian**

**Tarikh : 17 Mei 2016**

**Rujukan: KKLW.UKK.600-11 (670)**

**Unit Komunikasi Korporat  
Kementerian Kemajuan Luar Bandar dan Wilayah**



# PELAJAR KPTM ZIARAH PUSAT JAGAN OKU NUR



**Keceriaan** jelas terpancar pada wajah penghuni Pusat Jagaan OKU Nur (warga emas dan orang kurang upaya) yang terletak di Rawang, Selangor ketika menyambut pelajar semester empat Diploma Pengurusan

Perniagaan Kolej Poly-Tech MARA (KPTM) Bangi yang mengunjungi mereka sebagai sebahagian daripada program khidmat masyarakat.

Menerusi projek Selami Kasih di pusat jagaan itu, 22 pelajar terbabit

berkesempatan menyantuni 35 penghuni yang terdiri daripada warga emas, OKU dan anak yatim yang dijaga sepenuh masa.

Ketibaan pelajar dan pensyarah disambut dengan riang. Suasana ceria jelas kelihatan di rumah kebajikan itu sebaik pasukan projek Selami Kasih memulakan aktiviti gotong-royong membersihkan, mengecat dan menghias rumah mereka.

Mereka menghabiskan masa beramah mesra dengan penghuni dan diakhiri dengan upacara menyampaikan sumbangan kebajikan serta jamuan minum petang bersama penghuni Pusat Jagaan OKU Nur.

Menurut Penasihat Projek Selami Kasih, Fatin Murshida Zakaria, program

itu bertujuan membantu mereka yang kurang bernasib baik dan menyantuni insan yang tidak berupaya itu.

“Melalui program ini, golongan OKU dan warga emas akan berasa selesa tinggal di kediaman masing-masing tanpa rasa tersisih daripada masyarakat,” katanya.

Menurut penyelia Pusat Jagaan OKU Nur, Normah Adlan berkata, sumbangan dan keprihatinan orang ramai amat diperlukan memandangkan mereka tidak mempunyai punca pendapatan tetap dan sumber kewangan mereka bergantung sepenuhnya kepada sumbangan luar.

Kebanyakan penghuni rumah warga emas dan OKU ini tidak berwaris dan kurang berkemampuan.